

INDIANA UNIVERSITY HEALTH SUMSAW BOMNAK POLICY

Indiana University Health Sumsaw Bomnak Policy vekin sumsaw bomnak cu insurance neilomi mina pawl hrang ah ngahthei a si. Indiana ih khuasa mi pakhat na si le, Insurance na neilo ih nan innsang sumlut cu Rampihuap Acozoh ih Mifarah Bikhiah daan vekin 200% Rampihuap Acozah ih Mifarah Bikhiah (Federal Poverty Level) hnakin a malsawn a silole a bangaw asi ahcun, rin lo ih a suakmi, poihrak zung (emergency department) ah na um, siizung umding in na siibawi in a lo kuat, a silole, a dang siizung in an lo kuat a sile hi sumsaw bomnak in a cem-mi liamkuan ih zatek 100% tiang ngahtheihnak lamzin a um.

Sumsaw bomnak atlinglo mi insurance neilo mina hmuah hmuah mina pakhat aco-mi kilkhawi hnatuannak IU Health siizung thilri phunphun peknak abangrep mi telkim mi insurance a neitu mina pawl vekin atlangpi pekmi zat hnak ih tam dil na si lo pei.

IU Health Sumsaw Bomnak dil na duh le thuhla theih na duh len, IU Health Sumsaw Bom dilnak , Sumsaw Bomnak Policy le sumsawm bomnak thuhla pawl cu IU Health umnak hmun pakhat khat ah sumsaw pek tul loin min cazin ngankhum-nak zung ah asilole online www.iuhealth.org/financialassistance ah ngah thei asi. Policy, dilnak form, le thuhla khaikhawm mi cu atang lam tong le ca in ngah thei in siseh Mirang in siseh download a silole print ca suah thei ding in an um:

- Arabic
- Burmese
- Hakha (Lai) Chin
- Karen
- Taluk (Mandarin Chinese)
- Spanish

A kimcangmi Sumsaw Bom Dilnak (Financial Assistance Application) form ah thildang tulchimi thuhla pawl telchih a si. Pekdingmi hnatuannak phun le hman tlunah hngatsan in, bomnak dilmi zohhliak asi hlan ah mina in khirhsal theihlomi tangka peklut tulmi mina in a pek hmaisai a tul. Indiana University khal in ramthen (state) acozah hnen in bomnak pawl Medicaid le Healthy Indiana Plan nan ngah-theinak ding lamzin a um a sile a lo tawltreksak ding. Na sumsaw bomnak dilmi na ngah a sile, cakuat thawn theihter na si ding ih na siizung um man sumsaw dilnak ca (bill) anlo kuat tikah na liamkuan ding a um lai a sile tarlang asi pei.

Ngah thei in a um mi sumsaw bomnak, dilnak a dot dot, thuthawn pehparin tlam-ting deuh theih thei ding ah lethmat neizomi Sumsaw Hmaisatu (Financial Navigator) biakrawn thei a si, a lakin dilnak form le a tulmi ca pawl na dil thei asi, himi phone: 1-888-531-3004 ah pehtlainnak tuah aw a silole IU Health umnak min cazin ngan khumnak zung ah bomnak dil aw.



Indiana University Health